



32 17.01.24. @
u 14,00€
Dijana
Marković

Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

Broj: 01-04-1574-1/23
Sarajevo, 09.01.2024. godine

KANTON SARAJEVO
VLADA KANTONA
Stručna služba Vlade

Bosna i Hercegovina
Federacija Bosne i Hercegovine
KANTON SARAJEVO

PRIMLJENO: 10-01-2024			
Organizaciona jedinica	Klasifikaciona oznaka	Redni broj	Broj priloga
16	04		

11/01/24
Eida B.
Bok

PREDMET: Odgovor, dostavlja se.-

V E Z A: Vaš akt broj: 16-04-39-43/23 A.Č. od 25.12.2023. godine

Poštovani,

Vašim aktom, broj i datum veze, dostavili ste Kantonalnoj upravi civilne zaštite Kantona Sarajevo zastupničku inicijativu koja je razmtrana na Petoj sjednici Vlade održanoj dana 21.12.2023. godine, a koju je dostavila zastupnica Skupštine Kantona Sarajevo, i to:

„*podnosim inicijativu za uvrštavanje predstavnika Direkcije za robne rezerve Kantona Sarajevo u članove Štaba civilne zaštite Kantona Sarajevo*“.

ODGOVOR:

Uredbom o osnivanju Štaba civilne zaštite Kantona Sarajevo (“Službene novine Kantona Sarajevo”, br. 39/08, 7/16, 27/19, 41/21 i 3/23) (u daljem tekstu: Uredba) je osnovan Štab civilne zaštite Kantona Sarajevo, kao operativno-stručni organ, za zaštitu i spašavanje ljudi i materijalnih dobara od prirodnih i drugih nesreća i zaštitu od požara, uređen njegov djelokrug, unutrašnja organizacija, popuna, finansiranje, opremanje, obučavanje i osposobljavanje i druga pitanja od značaja za organizaciju i rad Štaba civilne zaštite Kantona Sarajevo.

Članovima 8. i 9. Uredbe je precizno definisano koja su lica članovi Štaba civilne zaštite Kantona Sarajevo i ispred kojih organa, po funkciji i obavljanju poslova, čine Štab civilne zaštite Kantona Sarajevo.

U skladu sa odredbama Uredbe, pored komandanta i načelnika Štaba civilne zaštite, isti broji još 16 članova što predstavlja adekvatan broj lica koji u vanrednim i drugim okolnostima obavljaju operativno-stručne aktivnosti i mjere na zaštiti i spašavanju ljudi i materijalnih dobara. Uprava je

stava da bi svako povećanje broja članova Štaba civilne zaštite Kantona Sarajevo otežao rad istog i kao takav negativno uticao na sigurnost ljudi i materijalnih dobara od prirodnih i drugih nesreća.

Također, Uprava podsjeća na član 11. Uredbe koji propisuje da u izvršavanju složenijih zadataka zaštite i spašavanja Štab civilne zaštite može angažovati i druge državne službenike iz kantonalnih ministarstava i drugih kantonalnih organa uprave i stručnjake na profesionalnom radu u naučnim ustanovama i drugim pravnim licima, te da o angažovanju navedenih lica, odlučuje komandant Štaba civilne zaštite, na prijedlog načelnika ili člana Štaba civilne zaštite, a u slučaju spriječenosti komandanta, odluku donosi načelnik Štaba civilne zaštite, na prijedlog člana Štaba civilne zaštite. U vezi sa prethodno navedenim, u slučaju eventualnih konkretnih potreba i okolnosti koje se mogu pojaviti, Štab civilne zaštite Kantona Sarajevo može angažovati predstavnika Direkcije za robne rezerve Kantona Sarajevo o čemu će odlučivati u skladu sa Uredbom, objektivnim potrebama i okolnostima.

Uprava također ističe da Štab civilne zaštite Kantona Sarajevo kada vrši poslove iz svoje nadležnosti ima mogućnost za traženje svih informacija i drugih elemenata koji su od značaja za zaštitu i spašavanje ljudi i materijalnih dobara od prirodnih i drugih nesreća, te na taj način ima mogućnost saradnje sa Direkcijom za robne rezerve Kantona Sarajevo ili bilo kojim drugim organom uprave, kao i bilo kojim fizičkim i pravnim licem u skladu sa propisima iz oblasti zaštite i spašavanja ljudi od prirodnih i drugih nesreća, a kao što je do sada dokazano u konkretnim okolnostima mnogo puta.

S poštovanjem,

Dostavljeno:

- Naslovu;
- a/a.


DIREKTOR

